



Jagalah kami

Beruang madu (*Helarctos malayanus*)

Translated by Mandy Yeap,
Jurina Josni, Nurfara Nadia Binti
Ag Janih, Liu Siew Ying.

Kebajikan Haiwan

Kebajikan haiwan merujuk kepada keadaan ataupun emosi haiwan.


Kebajikan haiwan boleh berbentuk positif, neutral atau negative.

Kesejahteraan haiwan mempunyai potensi untuk berbeza setiap hari.

Apabila keperluan haiwan - pemakanan, tingkah laku, kesihatan, dan persekitaran - dipenuhi, mereka akan mempunyai kesejahteraan yang positif.


Satu kehidupan yang baik dalam kurungan mungkin adalah di mana haiwan boleh secara konsisten mengalami kesejahteraan yang baik - sepanjang seluruh hayat mereka.





Pemahaman bahawa haiwan mempunyai kemampuan perasaan dan kognitif serta persepsi terhadap kesakitan, mengukuhkan keperluan untuk menyediakan peruntukan penjagaan yang sesuai untuk semua haiwan dalam kurungan, untuk memastikan kesejahteraan yang positif.

Dalam kurungan, kebajikan haiwan bergantung kepada persekitaran yang disediakan untuk mereka dan penjagaan harian serta rawatan veterinar yang diterima oleh mereka.



Beruang madu dijumpai di habitat hutan tropika Asia Tenggara. Mereka merupakan yang terkecil di kalangan semua jenis beruang dan dicirikan oleh lidah panjang mereka – digunakan untuk mencungkil makanan, indera penciuman yang kuat, serta cakar depan yang sangat kuat dan cakar panjang yang membolehkan mereka memanjat pokok dengan sangat cekap.

Beruang madu tidak berhibernasi kerana hidup di kawasan tropika dan pada dasarnya bersifat harian (aktif pada siang hari) tetapi boleh aktif pada waktu malam untuk jangka masa yang singkat.

Bilangan mereka telah merosot dengan cepat dalam beberapa tahun terakhir dan mereka diklasifikasikan sebagai Spesies Rentan oleh IUCN, disebabkan oleh pembabitan pembalakan secara besar-besaran dan pemburuan komersial untuk perdagangan hidupan liar dan bahagian tubuh.

Beruang Madu Suka Menggali dan Mencari Makan

Beruang matahari mempunyai kaki depan yang sangat kuat dan cakar yang panjang. Mereka menggunakan ini untuk menggali kayu reput dan tanah yang dalam untuk mencari makanan seperti serangga, yang merupakan sumber protein penting bagi mereka.

Mencari makanan memerlukan jumlah masa dan tenaga yang besar – menggali, menghidu, dan merasa makanan di dalam lapisan daun hutan, kayu tumbang, dan pokok.

Tingkah Laku Positif yang Perlu Digalakkan

Berikan peluang pemakanan yang pelbagai yang membolehkan beruang menggunakan kaki kuat mereka untuk menggali dan mencari makanan. Ini dapat membantu mengelakkan kebosanan dan menggalakkan tingkah laku pemakanan semulajadi yang positif. Sembunyikan makanan di dalam kayu reput, dedaunan yang gugur, dan sediakan substrat yang dalam untuk menggali.

Beruang Madu suka memanjat


Telapak kaki yang besar, tidak berbulu, dan cakar melengkung yang panjang bermakna beruang madu sangat pandai dan cepat dalam mendaki. Mereka akan memanjat pokok untuk mencari buah atau makanan lain serta tidur dan menghabiskan sebahagian besar waktu mereka di atas pokok.

Tingkah Laku Positif yang Perlu Digalakkan

Menyediakan pelbagai platform yang tinggi serta tiang dan pokok untuk beruang madu memanjat adalah penting bagi kesihatan dan kesejahteraan mereka. Pokok semula jadi akan lebih tahan lama, tetapi platform buatan manusia boleh memberikan peluang yang berbeza untuk makan dan tidur.



Beruang Madu adalah cerdik



Beruang madu merupakan haiwan yang bersifat bersendirian dan berkongsi habitat dengan pemangsa seperti harimau dan ular sawa. Kelangsungan hidup mereka bergantung kepada kemampuan mereka untuk membina sarang yang selamat di atas pokok dan mencari serangga, buah-buahan, dan makanan lain dalam hutan tropika. Mereka dapat merobek pokok dengan cakar mereka untuk mencapai serangga dan memecahkan kayu yang lapuk dengan menggunakan deria bau mereka yang kuat untuk mencari makanan.

Tingkah Laku Positif yang Perlu Digalakkan

Menyediakan kawasan kurungan yang menarik, khusus kepada spesies, dan semulajadi. Substrat lembut, kawasan luas, platfom yang ditinggikan, dan pokok-pokok akan merangsang tingkah laku positif. Pengayaan alam sekitar secara berkala seperti bau-bauan dan objek-objek tiruan yang merangsang tingkah laku semulajadi boleh menjadikan kawasan kurungan lebih bermakna.

Beruang Madu Suka Tidur




Beruang madu akan memanjat pokok untuk berehat di ranting atau membina sarang yang selamat daripada pemangsa di bawah. Mereka juga akan tidur sama ada di dalam atau di bawah kayu renggang yang telah rebah, dan menggunakan daun kering sebagai alas tidur yang lembut.

Tingkah Laku Positif yang Perlu Digalakkan

Menyediakan beberapa pokok dan platfom untuk semua beruang matahari dalam kurungan akan menyediakan persekitaran yang selamat dan semulajadi. Menyediakan gua dan kawasan yang jauh dari pandangan orang awam untuk beruang berehat akan membolehkan beruang tidur tanpa tekanan.

Beruang Madu Suka makan pelbagai makanan



Beruang matahari adalah haiwan omnivor, memakan serangga seperti anai-anai dan kumbang serta makan pelbagai jenis buah-buahan, terutama ara jika tersedia. Mereka menggunakan lidah mereka untuk menjilat kandungan makanan. Mereka menggunakan rahang dan tapak kaki yang kuat untuk memakan makanan dan juga mengesan makanan dengan menggunakan deria bau mereka yang luar biasa.

Tingkah Laku Positif yang Perlu Digalakkan

Menyediakan pelbagai jenis makanan seperti buah-buahan dan serangga didalam kurungan akan memastikan makanan itu menarik dan berkhasiat. Makanan tambahan, seperti madu, boleh disembunyikan dalam kayu gelondong dan di sekitar kawasan kurungan untuk merangsang tingkah laku mencari makan.



Beruang Madu akan membersihkan diri dan Bersosialisasi

Beruang matahari akan menghabiskan banyak masa menjaga kebersihan diri. Secara umumnya, mereka memberi tumpuan kepada cakaran mereka kerana ia merupakan alat penting untuk memanjat, mengorek, dan makan. Beruang biasanya bersifat bersendirian tetapi berkumpul semasa musim mengawan atau apabila seorang ibu beruang bersama anaknya.

Tingkah Laku Positif yang Perlu Digalakkan

Beruang madu boleh dikekalkan bersama dalam kurungan kerana bekalan makanan tidak terhad. Tetapi makanan yang mencukupi dan peluang serta stesen pemakanan yang berbeza mesti disediakan untuk mengelakkan sebarang persaingan di antara individu-individu.

Beruang madu menikmati...

Memakan makanan yang berbeza dan menarik. Mereka menikmati tidur di permukaan yang lembut dan menggunakan badan mereka untuk memanjat, menjaga kebersihan diri, dan mencari makanan.

Dalam kurungan, kita haruslah sentiasa cuba meniru tingkah laku semulajadi dan normal mereka, supaya mereka gembira dan sihat sepanjang hayat mereka.

